

欽

二史卷八之十六



明翰林學士亞中大夫知制誥兼修國史宋

等修

本紀第八

世祖五

十年春正月乙卯朔高麗國王王植遣其世子愷來朝戊午敕自今並以國字書宣命忻都鄭溫法茶

臣征耽羅宿州萬戶愛先不花請築堡牛頭山以阨兩淮糧運不允愛先不花因言前宋人

五河統軍

司臣皆當得罪今不築恐爲宋人所先帝曰汝言雖是若坐視宋人戍之罪亦不免

也安南使者還言陳

光昺受詔不拜中書移文責問光昺稱從本俗改回愛薛所立京師醫

院名廣惠司己未禁鷹坊擾

民及陰陽圖讖等書癸亥阿里海牙等大攻樊城拔之守將呂文

懼而請降中書省驛聞遣前所俘唐

永堅持詔諭之丁卯立祕書監戊辰給皇子北平王甲

子置軍器永盈二庫分典弓矢甲寅庚午簽陝

西探馬赤軍己卯川蜀省言宋魯萬壽攻成都

也速帶兒所部騎兵征建都未還擬於京兆等路簽新軍

六千爲援從之詔遣扎朮押失寒

着杓持金十萬兩命諸王阿不合市藥獅子國壬午賞東川統軍合

刺所部有功者合刺請於

江之北雲門山及嘉陵西岸虎頭山立二成以其圖來上仍乞益兵二萬詔

乾隆四年校刊

元史卷八 本紀

一

給京兆新募軍五千益之二月丙戌以皇后皇太子受冊寶遣太常卿合丹告於太廟丙申雲南羅羽酋
長阿旭叛詔有司安集其民募能捕斬阿旭者賞之遣斷事官麥肖勾校川陝行省錢穀詔勘馬刺失里
乞帶脫因劉源使緬國諭遣子弟近臣來朝高麗國王王植以王師征耽羅乞下令禁俘掠聽自製兵仗
從之丁未宋京西安撫使知襄陽府呂文煥以城降三月甲寅朔詔申諭大司農司遣使巡行勸課務要
農事有成乙丑敕樞密院以襄陽呂文煥率將吏赴闕熟券軍并城居之民仍居襄陽給其田牛生券軍
分隸各萬戶翼文煥等發襄陽擇蒙古漢人有才力者護視以來丙寅帝御廣寒殿遣攝太尉中書右丞
相安童授皇后弘吉刺氏玉冊玉寶遣攝太尉同知樞密院事伯顏授皇太子真金玉冊金寶辛未以皇
后皇太子受冊寶詔告天下劉整請教練水軍五六萬及於興元金洋州汴梁等處造船二千艘從之壬
申分金齒國爲兩路癸酉客星青白如粉絮起畢度五車北復自文昌貫斗杓歷梗河至左攝提凡二十
一日以前中書左丞相耶律鑄平章軍國重事中書左丞張惠爲中書右丞車駕幸上都西蜀嚴忠範以
罪罷遣察不花等撫治軍民罷中興等處行中書省夏四月癸未朔阿里海牙以呂文煥入朝授文煥昭
勇大將軍侍衛親軍都指揮使襄漢大都督賜其將校有差時將相大臣皆以聲罪南伐爲請驛召姚樞
許衡徒單公履等問計公履對曰乘破竹之勢席卷三吳此其時矣帝然之詔罷河南等路行中書省以

平章軍國重事史天澤平章政事阿朮參知政事阿里海牙行荆湖等路樞密院事鎮襄陽左丞相合丹
參知行中書省事劉整山東都元帥塔出董文炳行淮西等路樞密院事守正陽天澤等陛辭詔諭以襄
陽之南多有堡寨可乘機進取仍以鈔五千錠賜將士及賑新附軍民甲申免隆興路權課三年丁酉敕
南儒爲人掠賣者官贖爲民辛丑罷四川行省以鞏昌二十四處便宜總帥汪良臣行西川樞密院東川
閬蓬廣安順慶夔府利州等路統軍使合刺行東川樞密院東川副統軍王仲仁同簽行樞密院事仍令
汪良臣就率所部軍以往五月壬子朔定內外官復舊制三歲一遷甲寅禁無籍軍從大軍殺掠其願爲
軍者聽戊辰詔天下獄囚除殺人者待報其餘一槩疎放限以八月內自至大都如期而至者皆赦之乙
亥詔免民代輸簽軍戶絲銀及伐木夫戶賦稅貢前朝官錢不能償者毋徵主守失陷官錢者杖而釋之
陣亡軍及營繕工匠無丁產者量加廩給以雄易州復隸大都庚辰賞襄陽有功萬戶奧魯赤等銀鈔衣
服有差六月乙酉賑諸王塔察兒部民饑丁亥以各路弓矢甲匠並隸軍器監免大都南京兩路賦役以
紓民力賑甘州等處諸驛辛卯汰陝西貧難軍以劉整阿里海牙不相能分軍爲二各統之癸巳敕襄陽
造戰船千艘甲午改資用庫爲利用監丁酉置光州等處招討司戊申經略忻都等兵至耽羅撫定其地
詔以失里伯爲耽羅國招討使尹邦寶副之陞拱衛直爲都指揮司使日本趙良弼至太宰府而還具以

日本君臣爵號州郡名數風俗土宜來上閏月癸丑敕諸道造甲一萬弓五千給淮西行樞密院己巳罷東西兩川統軍司辛未以翰林院纂修國史敕采錄累朝事實以備編集丙子以平章政事賽典赤行省雲南統合刺章鴨赤赤科金齒茶罕章諸蠻賜銀二萬五千兩鈔五百錠秋七月辛巳以金州軍八百人及統軍司還成都忽朗吉軍千人隸東川壬午以修太廟將遷神主別殿遣兀魯忽奴帶張文謙祭告丙戌敕樞密院襄陽生券軍無妻子者發至京師仍益兵衛送其老疾者遣還家庚寅河南水發粟賑民饑仍免今年田租省西涼府入永昌路戊申高麗國王王植遣其順安公王棕同知樞密院事宋宗禮賀皇后皇太子受冊禮成八月庚戌朔前所釋諸路罪囚目至大都者凡二十二人並赦之甲寅鳳翔寶雞縣劉鐵妻一產三男復其家三年丁丑聖誕節高麗王王植遣其上將軍金詵來賀己卯賜襄陽生熟券軍冬衣有差九月辛巳遼東饑弛獵禁以合伯爲平章政事壬午立河南宣慰司供給荆湖淮西軍需甲申襄陽生券軍至大都詔伯顏諭之釋其械繫免死罪聽自立部伍俾征日本仍敕樞密院具鎧仗人各賜鈔娶妻於蒙古漢人內選可爲率領者丙戌劉秉忠姚樞王磐竇默徒單公履等上言許衡疾歸若以太子贊善王恂主國學庶幾衡之規模不致廢墜又請增置生員並從之秉忠等又奏置東宮宮師府詹事以次官屬三十八人戊子遣官詣荆湖行省差次有功將士禁京畿五百里內射獵己丑敕自今秋獵鹿

家先薦太廟壬辰中書省臣奏高麗王王楫屢言小國地狹比歲荒歉其生券軍乞駐東京詔令營北京界仍敕東京路運米二萬石以賑高麗丁酉立正陽諸驛敕河南宣慰司運米三十萬石給淮西合蒼軍仍給淮西江湖軍需有差壬寅敕會同館專居降附之入覲者以翰林學士承旨和禮霍孫兼會同館事以主朝廷咨訪及降臣奏請征東招討使塔匣刺請征骨鬼部不允丙午置御藥院車駕至上都給諸王塔察兒所部布萬疋冬十月乙卯享于太廟丙辰以西川編民東川義士軍屯田餉潼川青居戍兵敕伯顏和禮霍孫以史天澤姚樞所定新格參考行之庚申御史臺臣言沒入贓罰爲鈔一千三百錠詔有貧乏不能存者以此賑之有司斷死罪五十人詔加審覆其十三人因鬪毆殺人免死充軍餘令再三審覆以聞禁牧地縱火以合答帶爲御史大夫陞襄陽府爲路罷廣寧府新簽軍初建正殿寢殿香閣周廡兩翼室西蜀都元帥也速答兒與皇子奧魯赤合兵攻建都蠻擒酋長下濟等四人獲其民六百建都乃降詔賞將士有差十一月癸未命布只兒修起居注丁未大司農司言中書移文以畿內秋禾始收請禁農民覆耕恐妨芻牧帝以農事有益詔勿禁十二月己酉朔安童等言昔博赤伯都謂總管府權太重宜立運司并諸軍奧魯以分之臣以今之民官循例遷徙保無邪謀別立官府於民未便帝然之壬子賜襄樊被傷軍士鈔千錠甲寅宋夏貴改正陽淮西行院擊走之壬戌召阿朮同呂文煥入覲大司農司請罷

西夏世官括諸色戶從之安南國王陳光昺遣使來貢方物諸王薛閣禿以罪從軍累戰皆捷召赴闕已
已省陝州虢略朱陽二縣入靈寶賜萬戶解汝楫銀萬五千兩諸王孛兒出率所部兵與皇子北平王
合軍討叛臣聶古伯平之賞立功將士有差賜諸王金銀幣帛如歲例是歲諸路蟲蝻灾分霖雨害稼
九分賑米凡五十四萬五千五百九十石天下戶一百九十六萬二千七百九十五

十一年春正月己卯朔宮闕告成帝始御正殿受皇太子諸王百官朝賀高麗國王王植遣其少卿李義
孫等來賀兼奉歲貢乙酉以金州招討使欽察率襄陽生熟券軍千人戍鴨池庚寅初立軍官以功陞散
官格免諸路軍雜賦以忙古帶等新舊軍一萬一千五百人戍建都立建都監達都護府兼領互市監王
辰置西蜀四川屯田經略司丁酉長春宮設周天金籙醮七晝夜敕荆湖行院以軍三萬水弩砲手五千
隸淮西行院丙午彰德趙當道等以謀逆伏誅餘從者論罪有差立于闕鴉兒看兩城水驛十三沙州北
陸驛二免于闡采玉工差役阿里海牙言荆襄自古用武之地漢水上流已爲我有順流長驅宋必可平
阿朮又言臣略地江淮備見宋兵弱於往昔今不取之時不能再帝趣召史天澤同議天澤對曰此國大
事可命重臣一人如安童伯顏都督諸軍則四海混同可計日而待矣臣老矣如副將者猶足爲之帝曰
伯顏可以任吾此事矣阿朮阿里海牙因言我師南征必分爲三舊軍不足非益兵十萬不可詔中書省

簽軍十萬人二月戊申朔賜阿朮所部將士及茶罕章阿吉老耆等銀鈔有差甲寅太陰犯井宿庚申新
德副元帥楊堯元戰沒以其子襲職初立儀鸞局掌宮門管鑰供帳燈燭壬申造戰船八百艘於汴梁以
廉希憲爲中書右丞北京等處行中書省事車駕幸上都二月己卯詔以勸課農桑諭高麗國王王植仍
命安撫高麗軍民總管洪茶卍提點農事己丑呂文煥隨司千戶陳炎謀叛誅首惡二人其隨司軍併其
妻子皆令內徙庚寅敕鳳州經略使忻都高麗軍民總管洪茶卍等將屯田軍及女直軍并水軍合萬五
千人戰船大小合九百艘征日本移碇門兵戌合答城辛卯改荆湖淮西二行樞密院爲二行中書省伯
顏史天澤並爲左丞相阿朮爲平章政事阿里海牙爲右丞呂文煥爲參知政事行中書省於荆湖合答
爲左丞相劉整爲左丞塔出董文炳爲參知政事行中書省於淮西遣使代祀嶽瀆后土河南宣慰司言
軍興轉輸煩重宜賦軍匠諸戶權助財用從之癸巳獲嘉縣尹常德課最諸縣詔優賞之亦乞里帶強取
民租產桑園廬舍墳墓分爲探馬赤軍牧地詔還其民萬戶阿里必嘗發李璫逆謀爲璫所殺以其子刺
刺吉襲職改金州招討司爲萬戶府遣要速木咱興慙失招諭八魯國帝師八合思八歸土番國以其弟
亦鄰真襲位建大護國仁王寺成夏四月辛亥分陝西隴右諸州置提刑按察司治鞏昌癸丑初建東宮
甲寅誅西京訛言惑衆者括諸路馬五萬匹辛未詔安慰斡端鴉兒看合失合兒等城賜襄樊戰死之士

二百四十九人之家每家銀百兩乙亥命也速帶兒將千人同撒吉思所部五州丁壯戍益都五月丙戌

汪惟正以所部軍逃乞於民站戶選補從之敕北京東京等路新簽軍恐不宜暑權駐上都乙未樞密

院臣言舊制蒙古軍每十人月食糧者惟拔都二人今遣怯薛丹合丹覈其數多籍二千六百七十人敕

仗合丹斥無入宿衛謫往西川效死軍中餘定罪有差丙申以皇女忽都魯揭里迷失下嫁高麗世子王

堪辛丑敕隨路所簽新軍其戶絲銀均配於民者並除之六月丙午朔劉整乞益甲仗及水弩手給之庚

戌賜建都合馬里戰士銀鈔有差癸丑敕合答選部下蒙古軍五千人與漢軍分戍沿江堡隘爲使傳往

來之衛仍以古不來拔都翟文彬率兵萬人戍荆南鴉山以綴宋之西兵丙辰免上都隆興兩路簽軍庚

申問罪於宋詔諭行中書省及蒙古漢軍萬戶千戶軍士曰爰自太祖皇帝以來與宋使介交通憲宗之

世朕以藩職奉命南伐彼賈似道復遣宋京詣我請罷兵息民朕卽位之後追憶是言命郝經等奉書往

聘蓋爲生靈計也而乃執之以致師出連年死傷相藉係累相屬皆彼宋自禍其民也襄陽既降之後翼

宋悔禍或起令圖而乃執迷罔有悛心所以問罪之師有不能已者今遣汝等水陸並進布告遐邇使咸

知之無辜之民初無預焉將士毋得妄加殺掠有去逆效順立功者驗等第遷賞其或固拒不從及

逆敵者俘戮何疑甲子分遣忙古帶八都百家奴率武衛軍南征丙寅以合答爲中書左丞崔斌參

知政事仍行河南道宣慰司事敕有司閭閻延安新軍貧無力者免之戊辰監察御史言江淮未附將帥闕人今首用阿里海牙子忽失海牙劉整子瑳素不知兵且缺人望宜依弟男例罷去從之秋七月乙亥朔敕山北遼東道提刑按察使兀魯失不花同參知政事廉希憲行省北京國王頭輦哥毋署事有大事則希憲等就議乙酉徙生券軍八十一人屯田和林癸巳高麗國王王植薨遣使以遺表來上且言世子悰孝謹可付後事敕同知上都留守司事張煥冊悰爲高麗國王乙未伯顏等陛辭帝諭之曰古之善取江南者唯曹彬一人汝能不殺是吾曹彬也興元鳳州民獻麥一莖四穗至七穗穀一莖三穗八月甲辰朔頒諸路立社稷壇壝儀式丁未史天澤言今大師方興荆湖淮西各置行省勢位既不相下號令必不能一後當敗事帝是其言復改淮西行中書省爲行樞密院癸丑行中書省言江漢未下之州請令呂文煥率其麾下臨城諭之令彼知我寬仁善遇降將亦策之善者也從之甲寅弛河南軍器之禁辛未高麗王悰遣其樞密使朴瑆來賀聖誕節詔太原新簽軍遠戍兩川誠可憫恤諭樞密院遣使分括廩粟給其家九月丙戌行中書省以大軍發襄陽檄諭宋州郡官吏將校士民癸巳師次鹽山距鄆州二十里宋兵十餘萬當鄆夾漢水城萬勝堡兩岸戰艦千艘鐵絙橫江貫大艦數十過我舟師不得下惟黃家灣有溪經鷁子山入唐港可達于江宋又爲埧築堡其處駐兵守之繫舟數百與埧相依伯顏督諸軍攻拔之鑿

填挽舟入溪出唐港整列而進車駕至上都冬十月己酉享于太廟庚申長河西千戶必刺沖剽掠甲仗集衆爲亂火你赤移戌未還副元帥覃澄率屬吏赴之帝曰澄不必獨往趣益兵三千付火你赤合力討之壬戌歲星犯壘壁陣乙丑伯顏督諸將破沙洋堡生擒守將串樓王翌日次新城總制黃順縵城降伯顏遣順招都統邊居義不出總管李庭破其外堡諸軍蟻附而登拔之居義自焚死辛未賜北平王南木合馬三萬羊十萬十一月庚辰斷死罪三十九人壬午勅西川行樞密院也速帶兒取嘉定府癸未符寶郎董文忠言比聞益都彰德妖人繼發其按察司達魯花赤及社長不能禁止宜令連坐詔行之乙酉軍次復州宋安撫使翟貴出降丁亥詔宋嘉定安撫魯萬壽及凡守城將校納款來降與避罪及背主叛亾者悉從原免癸巳東川元帥楊文安與青居山蒙古萬戶怯烈乃也只里等會兵達州直趣雲安軍至馬湖江與宋兵遇大破之遂拔雲安羅拱高陽城堡賜文安等金銀有差以香河荒地千頃置中衛屯伯顏遣萬戶帖木兒譯史阿里奏沙洋新城之捷且以新城總制黃順來見賜順黃金錦衣及細甲授湖北道宣慰使佩虎符敕京師盜詐者衆宜峻立治法召征日本忽敦忽察劉復亨三沒合等赴闕壬寅安童以阿合馬擅財賦權蠹國害民凡官屬所用非人請別加選擇其營作宮殿賁緣爲姦亦宜詰問帝命窮治之起閣南直大殿及東西殿增選樂工八百人隸教坊司十二月丙午伯顏大軍次漢口宋淮西制置

使夏貴都統高文明劉儀以戰船萬艘分據諸隘都統王達守陽羅堡荆湖宣撫朱禕孫以游擊軍阬中流師不得進用千戶馬福言自漢口開渠引船會淪河口徑趨沙燕遂入大江癸丑以諸路逃奴之無主者二千人隸行工部甲寅賞忻都等征耽羅功銀鈔幣帛有差乙卯阿里海牙督萬戶張弘範等攻武磯堡宋夏貴以兵來援阿朮率萬戶晏徹兒等四翼軍對青山磯泊丙辰萬戶史格以一軍先渡爲宋荆鄂諸軍都統程鵬飛所敗總管史塔刺渾等率衆赴敵鵬飛敗走進軍沙州抵觀音山夏貴東走遂破武磯堡斬宋都統王達始達南岸追至鄂州南門而還丁巳伯顏登武磯山宋朱禕孫遁歸江陵己未師次鄂州宋直祕閣湖北提舉張晏然權知漢陽軍王儀知德安府來興國並以城降程鵬飛以本軍降伯顏承制以宋鄂州民兵總制王該知鄂州事王儀來興國仍舊任撤其戍兵分隸諸軍下令禁侵暴凡逃民悉縱還之以阿里海牙兵四萬鎮鄂漢伯顏阿朮將大軍水陸東下以待衛親軍都指揮使禿滿帶爲諸軍殿以襄陽路總管賈居貞爲宣撫使商議行中書省事庚申淮西正陽火廬舍甲仗焚蕩無餘杖萬戶愛先不花等有差癸亥賜太一真人李居素第一區仍賜額曰太一廣福萬壽宮行中書省以渡江捷聞敕縱呂文煥隨司軍悉還家割南陽盧氏縣隸嵩州置歸德永城縣長武縣省入涇川夏原縣省入靈臺是歲天下戶一百九十六萬七千八百九十八諸路蚘蚘等蟲災凡九所民饑發米七萬五千四百一十五

石粟四萬五百九十九石以賑之

十二年春正月癸酉朔高麗國王王愷遣其判閣事李信孫來賀及奉歲幣甲戌大軍次黃州宋沿江制置副使知黃州陳奕以城降伯顏承制授奕沿江大都督其子巖知澧州奕遣人以書諭之書至巖卽出降乙亥徙襄陽新民七百戶於河北東川副都元帥張德潤拔禮義城殺宋安撫使張資招降軍民千五百餘人繼遣元帥張桂孫略地俘總管郭武及都轄唐惠等六人以歸賜德潤金五十兩及西錦金鞍細甲弓矢部下將士鈔三百錠戊寅劉整卒安西王相府乞給鈔萬錠爲軍需勅以千錠給之癸未師次蘄州宋安撫使管景模以城降乙酉敕樞密院以納忽帶兒也速帶兒所統戍軍及再斂登萊丁壯八百人付五州經略司其鄴城十字路亦聽經略司節度丙戌大軍次江州宋江西安撫使知江州錢真孫及淮西路六安軍曹明以城降丁亥樞密院臣言宋邊郡如嘉定重慶江陵郢州澧海等處皆阻兵自守宜降璽書招諭從之宋知南康軍葉闓以城降敕以侍衛親軍指揮使札的失囊加帶將蒙古軍二千百家奴唐古忙兀兒將漢軍萬人赴蔡州禿滿帶賈忙古帶復將餘兵赴闕己丑遣伯朮唐永堅齎詔招諭郢州仍敕襄陽統軍司調兵三千人衛送永堅等選蒙古畏吾漢人十四人赴行中書省爲新附州郡民官庚寅遣左衛指揮副使鄭溫唐古帖木兒率衛軍萬人同札的失囊加帶戍黃州詔諭重慶府制置司并所

屬州郡城寨官吏軍民舉城歸附壬辰以宣撫使賈居貞簽書行中書省事戍鄂州安南國使者還敕以舊制籍戶設達魯花赤簽軍立站輪租及歲貢等事諭之乙未遣兵部尙書廉希賢工部侍郎嚴忠範祕書監丞柴芝奉國書使于宋丁酉以萬家奴所募願爲軍者萬人南征己亥雲南總管信苴日石買等刺殺合刺章舍里威之爲亂者以金賞之命土魯至雲南趣阿魯帖木兒入覲以蠻夷未附者尙多命宣慰司兼行元帥府事並聽行省節度置郡縣尹長選廉能者任之置雲南諸路規措所以贍思丁謂使益衛送唐永堅兵永堅求拜都忙古帶偕行許之敕追諸王海都八刺金銀符三十四月癸卯大軍次安慶府宋殿前都指揮使知安慶府范文虎以城降伯顏承制授文虎兩浙大都督甲辰以中書右丞博魯歡爲淮南都元帥中書右丞阿里左右副都元帥仍命阿里撒吉思等各部蒙古漢軍會邳州又發蘄宿戍兵將河南戰船千艘赴之遣必閣赤孛羅檢覈西夏權課命開元宣撫司賑吉里迷新附饑民敕畏吾地春夏毋獵孕字野獸立后土祠于平陽之臨汾伏羲女嫫舜湯河濱等廟于河中解州洪洞趙城丙午大軍次池州宋權州事趙昂發自經死都統制張林以城降省西夏中興都轉運司入總管府議以中統鈔易宋交會并發蔡州鹽貿易藥材丁未禁無籍自效軍俘掠新附復業軍民戊申詔諭江黃鄂岳漢陽安慶等處歸附官吏士民軍匠僧道人等令農者就耒商者就塗士庶緇黃各安己業如或鎮守官吏妄

有搔擾詣行中書省陳告史天澤卒召游顯楊庭訓赴闕賜陳言人霍昇張和鈔十錠俾從淮東元帥府南征庚戌遣禮部侍郎杜世忠兵部郎中何文著齎書使日本國辛亥遣同知濟南府事張漢英持詔諭淮東制置使李庭芝壬子洛磁路總管姜毅捕獲農民郝進等四人造妖言惑衆敕誅進餘滅死流遠方宋都督賈似道遣計議宋京承宣使阮思聰詣行中書省請還已降州郡約貢歲幣伯顏使疊加帶同阮思聰還報命留宋京以待使謂似道曰未渡江時議貢議和則可今沿江諸郡皆已內屬欲和則當來面議也疊加帶還乃釋宋京以同簽樞密院事倪德政赴鄂州省治財賦癸丑御史臺臣劾前南京路總管田大成以其弟肅趙氏爲妻廢絕人倫敕杖八十三年不齒時大成已死惟市杖趙氏八十丙辰賞東征元帥府日本戰功錦綉弓矢鞍勒庚申遣塔不帶幹魯召鄂漢降臣張晏然等赴闕仍諭之曰朕省卿所奏云宋之權臣不踐舊約拘留使者實非宋主之罪儻蒙聖慈止罪擅命之臣不令趙氏乏祀者卿言良是卿既不忘舊主必能輔弼我家比卿奏上已遣伯顏接兵不進仍遣兵部尙書廉希賢等持書往使果能悔過來附既往之愆朕復何究至於權臣賈似道尙無罪之心況肯令趙氏乏祀乎若其執迷罔悛未然之事朕將何言天其鑒之辛酉以關闕出率其部下軍千人及親附軍五百聽阿剌海牙節制凡湖南州縣及潁水之民有來附者俾關闕出統之拒敵不降者就爲招集詔令大洪山避兵民還歸漢陽復

業農畝命阿剌海牙鎮守之復命阿失罕唐永堅墓公直等與脫烈將甲騎千人持詔招諭郢州大軍次丁家洲戰船蔽江而下宋賈似道分遣步帥孫虎臣及督府節制軍馬蘇劉義集兵船于江之南北岸似道與淮西制置使夏貴將後軍戰船二千五百餘艘橫亘江中翌日伯顏命左右翼萬戶率騎兵夾岸而進繼命舉巨砲擊之宋兵陣動夏貴先遁似道錯愕失措鳴鉦斥諸軍散宋兵遂大潰阿朮與鎮撫何瑋李庭等舟師及步騎追殺百五十里得船二千餘艘及軍資器仗督府圖籍符印似道東走揚州阿先不花言夏貴縱北軍岳全還稱欲內附宜降璽書招諭遂遣其甥胡應雷持詔往諭之甲子大軍次蕪湖縣宋江東運判知太平州孟之縉以城降都元帥博魯歡次海州知州丁順以城降乙丑阿里海牙言江陵宋巨鎮地居大江上流屯精兵不啻數十萬若非乘此破竹之勢取之江水泛溢鄂漢之城亦恐難守從其請仍降璽書遣使諭江陵府制置司及高達已下官吏軍民宋福州團練使知特摩道事農士貴率知那寡州農天或知阿吉州農昌成知上林州農道賢州縣三十有七戶十萬詣雲南行中書省請降丙寅樞密院言渡江初亳州萬戶史格毗陽萬戶石抹紹祖以輕進致敗乞罪之有旨或決罰降官或以戰功自贖其從行省裁處禁民間賭博犯者流之北地戊辰師次采石鎮知和州王善以城降都元帥博魯歡次漣州宋知州孫嗣武以城降己巳復遣伯朮唐永堅等宣諭郢州官吏士庶庚午大軍次建康府宋沿